



# Comun di Vergegnas

Provinça di Udin

## REGOLAMENT

### 12<sup>ma</sup> EDIZION CONCORS INTERNAZIONÂL DI POESIA PAR FURLAN “PREMI GJSO FIOR”

Il concurs, a tema libar, al è par autôrs che a scrivin par furlan e al è dividût cussì:

1. **Sezion autôrs par furlan.** Chesta sezion a è par ducj i maiôrs di etât che a scrivin par furlan in dutas las sôs varietâts.
2. **Sezion Scuelas Primarias.**
  - a. **Poesia.** Daûr dai principis che a àn ispirât la leç regionâl n. 29 dal 18 di Dicembre dal 2007 pal ûs dal furlan tas scuelas, chesta sezion dal concurs a è par ducj i fruts das scuelas primarias dal Friûl Vignesie Julia, che a podaran partecipâ cuntun massim di trei poesias a tema libar.
  - b. **Pitura la poesia.** A va indavant la iniziativa par in banda clamada “Pitura la poesia” e indreçada a ducj i fruts das scuelas primarias da regjon. A si pos cjapâ part a chesta iniziativa cuntun massim di trei lavôrs che a si ispirin a las poesias dal poeta Gjso Fior. Chesçj lavôrs a àn di essi fats su cjarta o su cartoncin dropant una tecnica cualsiasi (matita, pastel, acuarel, tempera, collage e v. i.).

**CEMÛT PARTECIPÂ:** las scuelas a podin presentâ un massim di trei disegns e/o trei poesias; i autôrs un massim di trei poesias.

**SEZION AUTÔRS:** Las poesias a àn di essi batudas a machina o scrites dropant il PC, dutas trei insiema a no àn di vei pui di cent e vincj rias e a no àn di essi stadas publicadas prin, a àn di essi segnadas cuntun det o cuntun non pustiç metût **suntuna busta sierada là che a si à di meti denti il modul zontât a chest Regolament, emplât como che a si devi (zontât 1).** Chesta busta a va metuda tal pac insiema cui lavôrs, che a àn di essi in 6 copias. Par di fûr da busta a si à di tornâ a meti il det o il non pustiç.

**SEZION SCUELAS PRIMARIAS:** Las poesias a àn di essi batudas a machina o scrites dropant il PC e dutas trei insiema a no àn di vei plui di cent e vincj rias. Las poesias e i disegns a no àn di essi stâts publicâts prin, a àn di essi segnâts cuntun det o cuntun non pustiç metût **suntuna busta sierada là che a si à di meti denti il modul zontât a chest Regolament, emplât como che a si devi (zontât 2).** Chesta busta a va metuda insiema cui lavôrs, che a àn di essi in 6 copias. Par di fûr da busta a si à di tornâ a meti il det o il non pustiç e la scritta: **SEZION SCUELAS.**

La busta a vorà di essi puartada o mandada a la Segreteria dal Concors di Poesia “Premi Gjso Fior”, li dal Comun di Vergegnas, via Udin 2, 33020 VERGEGNAS (UD), **denti di joiba 31 di Zenâr dal 2019.**

**Premis:** i premis a saran dàts daûr dai impuarts metûts chi sot:

1. Pa sezion autôrs par furlan

1<sup>n</sup> Classificât = € 250,00\*  
2<sup>t</sup> Classificât = € 175,00  
3<sup>º</sup> Classificât = € 100,00

\*cun di plui il 1<sup>n</sup> classificât al riceverà in premi encja una opara fata dropant la tecnica da pitura e/o da scultura.

Se dal cãs a vegnaran fatas encja segnalazions di merit.

2. Pa sezion Scuelas Primarias i vincidôrs das poesias a saran premiâts cussì:

1<sup>n</sup> Classificât = bon valôr di € 100,00  
2<sup>t</sup> Classificât = bon valôr di € 75,00  
3<sup>º</sup> Classificât = bon valôr di € 50,00

La Juria dal concurs a premiarà il disegn che pui a si lu merita metintlu como sogjet dal invît/brochure e dal manifest da prossima edizion dal concurs.

La Juria a podarà encja decidi di no dâ il 1<sup>n</sup> premi se, daûr dal so judizi, i lavôrs presentâts a no vessin di jessi sufficientis sul plan cualitatîf/artistic. A no si podarà discuti il judizi da Juria.

Si à di tegni ben presint che i lavôrs a no àn di essi stâts publicâts prin, che a no àn di essi mai stâts premiâts o segnalâts in nissun ati concors; cun di plui l'autôr al autoriza il Comun di Vergegnas a publicâ, se dal câs, a gratis las oparas (encja on-line).

La partecipazion al concors a compuarta la plena acetazion e il rispiet di dutas las disposizions di chest Regolament.

L'esit dal concors a si lu savarà ta cerimonia uficiâl da premiazion che a vignarà fata **domenia 24 di Març 2019**, alì dal Municipi di Vergegnas. Za cumò ducj i partecipants a son invidâts a la premiazion.

**Informativa daûr dal art. 13 dal regolament UE n. 679/2016 (GDPR) dal art. 13 dal D. Lgjs. 30-06-2003 n. 196 "Codiç in materia di protezion das informazions personâls".**

*Dutas las informazion che a vegnin dadas par cjapâ part al concors di poesia "Premi Gjso Fior", domandadas su la fonda das disposizions legjislativas in vigôr, a scuegnin essi dadas se a si vûl cjapâ part a chest concors e a vignaran dropadas, encja in maniera informatica, domo par chesta finalitât.*

*Al è obligatori dâ chestas informazions; se i partecipants a no dan nissuna o domo una part das informazions domandadas, alora a no podaran cjapâ part al concors. Il titolâr dal tratament di chestas informazions al è il Comun di Vergegnas, responsabil a è la dot.ra Vanessa Giorgis dal Ufici Comun pai Servizis Gjenerâi da Gjestion Assoçada tra i Comuns di Damâr, Cjavaç, Vergegnas e Tumieç.*

*Las informazions a vignaran dropadas dai impiegâts assegnâts al servizi incaricâts dal responsabil. I nons dai vincidôrs a vignaran dâts fûr sul sît internet dal Comun e par mieç di atis canâi di informazion mediant publicazion ta sezion "Aministrazion trasparent" daûr das normas di leç.*

*In fuarça dal articul 7 dal D.Lgjs. n. 196/2003, cui che al fâs chesta dichiarazion al pos fâ valei i sei dirits como chei dal inzornament, da modifica, da cancelazion das informazions, e v.i.*

**Bibliografia:**

- Gjso Fior, La Mê Cjargna, Societât Filologjiche Furlane, Udin, 1985.
- Adelgiso Fior, Villotte e Canti del Friuli, Edizioni Piva, Milano 2003.
- [www.comune.verzegnus.ud.it](http://www.comune.verzegnus.ud.it)

**Chest Regolament a si lu pos cjatâ encja in chescj sîts internet:**

**[www.comune.verzegnus.ud.it](http://www.comune.verzegnus.ud.it) - [www.concatolmezzina.it](http://www.concatolmezzina.it)  
[www.filologicafriulana.it](http://www.filologicafriulana.it) - [www.arlef.it](http://www.arlef.it) - [www.friulinelmondo.com](http://www.friulinelmondo.com)**